

135 տեսաք հազար եւ աւելի թօնիրս եւ օճախ
վասն ուխտաւորաց, որ անդ խորու եւ պի-
րեան կ'եփեն, զի ամենայն տիեզերաց զան առ-
նա ի հեռու եւ օտար աշխարհաց՝ Ուռուձէլու
եւ Լէհաց ԲՌ—ԳՌ հոգի կու լինի. եւ ուխտն

140 է Վարդապետին օրն :

Եւ եկեղեցոյ ետոյքն տեսաք մեծամեծ վի-
մաց խաչեր կանգնեցուցած եւ ազգի ազգի
արվեստ եւ կապք ի վրայ հանած : Եւ սակաւ
մի այլ վայր էր վանք մի այլ, Ջորէհանգիստ
145 կոչեն, բայց աւեր է. եւ ասին թէ ջորիքն որ
բարձեալ էին գտարբ մարմինն՝ անդ կանկ ա-
ռին եւ ոչ կարացին շարժիլ ի տեղոյն. եւ
իրբեւ տարակուսեցան՝ եկն հրեշտակ Տեառն
եւ ասէ. Աստ հաճեցաւ Տէր բնակիլ սրբոց .

150 զայն տեղն եկեղեցի շինած էր :

Եւ յաջ կողմն անցեալ եկեղեցուն՝ տեսաք
զԱռջուն դերեղմանն, բայց երկու կտոր եղած
էր. եւ ասին. Ով քարիս վրայ պառկի, մէջքն
չի ցաւի : Բայց վասն գող Քրդոց՝ բարձր
155 պարիսպ քաշած էր :

Եւ սուրբ Կարապետն մէջ մէջի է եւ լեռ-
նային եւ յոյժ գեղեցիկ տեղ. եւ ի ճանապար-
հին սաֆի անթառամ ծաղիկ է եւ եապանի
սմտօլ եւ այլ հոտով ծաղկնի : Իսկ մօրին ա-
160 մէնն եէմիչ է՝ ինձոր, տանձ եւ սալօռ, ըն-
կուզն շատ : Եւ ազգ մի պտուղ կու լինի՝
կարմիր սպիտակ գունով, փոքր եւ կլոր քան
զկերաս՝ մէյիսօչ համ ունի, ալօճ կոչեն : Եւ